



**Tusagassiutikkut nalunaarut**

13. august 2009

**Diktator Palle!**

Aningaasaqarnermut Naalakkersuisup Palle Christiansen-ip 2010-mut aningaasanut inatsisissap saqqummiunnerani tusagassiortunik aalajangersimasunik toqqaalluni qaaqqusinera akuerineqarsinnaangilluinnarpoq!

Taamatut iliorluni suleriaaseqarneq kisimiilluni naalakkersuisut iliortarnerannut eqqaanartoq siunissami Naalakkersuisunit atorneqalissaguni nunatsinni demokratii atorlugu ingerlatsinitsinnut amiilaarnaannartumik innarliineruinnarani nunatta avataaniit isigineqarneranut kusanaatsumik kinguneqassaaq tamatsinnut nunatsinni najugaqartunut nuanninngitsumik kinguneqartoq.

Siumumi pingaartittuarparput demokratii atorlugu ingerlatsinermi periutsit ataqqilluinnarneqarnissaat, taamaattumik piumasarissavarput Aningaasaqarnermut Naalakkersuisup Palle Christiansen-ip iliuserisimasaa kingumut atuuteqqinngisaannarnissaa, minnerpaamillu piumasarissallugu Naalakkersuisut pisimasoq pillugu nassuiaateqassasut utoqqatsissuteqarlutillu.

Naggataatigut piumasarissavarputtaa Aningaasaqarnermut Naalakkersuisoq Naalakkersuisut Siulittaasuannit "inissineqassasoq" siunissami assingusumik pisoqannginnissaa pillugu, paasinnarmammi Naalakkersuisunut ilaasortap Palle Christiansen-ip demokratii atorlugu ingerlatsinermi periutsinik suli ilikkarsimannginnera.

Siumut sinnerlugu

Karl Lyberth (sign.)  
Politikkikkut oqaaseqartartoq  
Mobil: 521603